

澤州府志

選舉

第五冊

澤州府志卷之二十六

選舉志

封爵

薦辟

科目

官階

武科

鄉貢

誥錫

祭 葬

鄉飲賓

宋黃巨仲題秦氏書齋曰澤州學者如牛毛野處又云長平朱紫半澤之學人於元豐時甚盛矣夫仕進相招本未足厲實學而吳中之化謂憫其民不喜儒術以東里學規教授之三十年間作成何速也學者知宵雅肆三之義而鼓篋以應其求選之以實求舉之以實應何遽不如古所云耶上自封爵未及錫誥凡膺是典者胥與焉志選舉第五

封爵

澤州府志

卷之二十六

封爵

一

古封爵食邑受祿入而長子孫為國藩翰同國休戚宗子維城爰及苗裔漢興猶存河山之盟降是胥失之然其橫侈戕虐國與民咸蒙其毒封建非古致使有心者增慨澤自南北分朝勲戚之封朝予暮奪可紀載者不遺其受地之名踵書之俾履此土者知興廢之跡志封爵

周原伯名絞文王第十六子武王十三年封初為公尋為伯

傳魯至貫襄王三年以其地賜晉文公降遷翼

杜預注原在沁水西北按

沁水舊在濟源辨別見晉靖公俱酒武公之後趙魏韓分晉地廢為

家人食以端氏一城

漢陽陵侯傅寬以舍人從起橫陽至霸上為騎將入定三秦屬淮陰定齊為齊丞相侯二千五百戶傳清明偃坐與淮南謀反誅六世孫景復家 陽阿侯下訖

一作

高帝七年封

按水

經注沁水經陽陵城南
即陽阿縣之故城也

陽阿侯其石以中謁者從入漢以

郎中騎從定諸侯侯百戶孝文十年侯安國嗣孝景四年侯
午嗣孝武元鼎四年共侯章更封埤山元封元年侯仁嗣征
和三年坐祝詛腰斬孝宣元康四年石元孫之子長安官大
夫益壽詔復家 隰城侯劉忠代共王子武帝三年正月封
後徙端氏侯 鄔侯駟鈞齊王舅文帝元年封 高梁侯酈
疥父食其以客從破秦以列侯入還定諸侯常使約和諸侯
說齊王死事子嗣孝武元光二年侯勃嗣侯平嗣元狩元年
坐詐衡山王金免孝宣元康四年食其六世孫陽陵公乘詔
復家 長平侯衛青以將軍擊匈奴取朔方孝武元朔二年
三月封邑三千八百戶後破右賢王益封至萬六千三百戶
又封三子徐廣注潁川酈道元注高平宜春侯衛伉青長子

澤州府志

卷之二十六

封爵

二

以青功封元鼎元年免太初元年嗣父爵長子坐闌入宮免
爲城旦 高平侯劉喜景帝孫中山靖王子武帝元朔四年
封元鼎五年坐酎金免 千章侯劉遇表屬平原地里志西
河地 高平侯魏相宣帝地節三年以丞相封 邗侯李壽
以新安令史得衛太子封侯一百五十戶 長平侯彭宣孝
哀元壽二年以大司空封邑二千七十四戶諡曰頃孝平元
始四年子節侯聖嗣新莽天鳳元年侯豐嗣王莽敗絕 陽
城侯劉田頃王子宣帝元康四年封子賢嗣傳說傳報
長平侯劉隆初封樂鄉侯從馬援擊交趾隆別于禁谿口破
之獲其帥徵貳更封大國爲長平侯子安嗣 陽城侯劉德
宣帝時以宗正關內制行謹重爲宗室率子安民嗣以戶五
百贖弟更生罪傳慶忌諷王莽敗 陽城侯田延年宣帝時

以大司空與定策功封 高平侯王逢時元帝時以皇太后弟開納封侯三千戶子置嗣莽敗絕 高平侯魏相 端氏侯劉遵襲父順侯爵初封成武侯坐與諸王交通降爲端氏侯子弇嗣弇卒無子國除 泫鄉侯樊尋重兄子光武建武五年封 濩澤侯鄧鯉明帝時以楚獄引陷侍御寒朗白出之事見朗傳 襄邑侯劉求光武封後徙封咸陽侯求卒子巡嗣徙封濩澤侯巡卒子姚嗣 泫氏侯萬脩子普初襲封槐里侯徙封泫氏侯普卒子親嗣徙封扶柳侯 沁水公主名致光光武女明帝永平二年封高密侯鄧乾尚主 季漢西河王劉琮後主子後主延熙十五年封景耀五年卒 上黨王劉虔後主子景耀二年封

曹魏高平亭侯曹幹魏曹操子獻帝建安二十年封二十二

澤州府志

卷之二十六

封爵

三

年徙潁亭侯 長平侯曹休操族子操指休謂左右曰吾家千里駒也常從征伐有功封二千五百戶子肇嗣肇弟纂增邑三百戶封列侯 長平鄉侯司馬師 高都公司馬昭甘露元年封又以上黨平陽河東等郡爲晉國封晉國公 高平侯諸葛誕明帝時以御史中丞討吳功封 河東王曹霖丕子黃初三年改定陶侯

晉西河王司馬斌咸寧三年由陳王徙封謚繆子隱孫喬繼

襲 安平王司馬宇泰始元年封孫降嗣 西河王司馬喜

爲石勒所執 高平侯郗鑒以預討王敦功封謚文成子諡

嗣傳超

按鄒鑿晉史高平舊祀鄉賢存載

長平伯褚翬太傅哀

從兄以拒蘇峻功封謚穆子希嗣

上黨郡公石勒僞漢劉聰封 河東王石生後趙石勒子晉

成帝咸和五年勒封 河東王慕容永稱藩於慕容垂 高都侯慕容琚以廉清賜爵子白曜襲晉封南鄉公改爲上黨公 上黨公姚昭北燕馮跋封 上黨郡公張蚝前秦苻丕封

元魏高平王琚高祖時豫州刺史子蓋誨嗣 建寧王元崇以撫軍大將軍封 永寧男酈範給事東宮以舊勲封子道元嗣 河東公杜道生世祖舅駙馬都尉超長子賜爵陽城侯晉封公 河東公薛安都世祖和平六年以歸國封子道標孫達嗣 河東公賀多羅延和四年封 河東王閻毗恭皇后兄后生高宗太安元年以毗爲平北將軍賜爵河東公尋進爵爲王毗妻贈河東王妃子惠孫豆襲太和十六年例降公 西河公托跋敦平文帝鬱律立之曾孫太祖初從征

澤州府志

卷之二十六

封爵

四

名冠諸將太武時進爵西河公子撥襲 長平侯晁崇兄弟賜死獨兄子暉太祖時給事諸曹賜爵長平侯 河東王苟頹從太武南征常先登陷太和三年由河南公晉封子愷襲例降 河東公薛虎子太和初封 河東公薛野睹虎子子有功績襲父爵 長平男張熠爲魏別將隨長孫稚西征轉平西將軍以功封長平縣開國男 建興公古弼初爲獵郎使長安稱旨賜名筆後改名弼太武時以功封靈壽侯尋拜安西將軍賜爵建興公 永安侯宣穆皇后兄從道武平中原賜爵公後封侯 高平公主以高肇領吏部尚書封平原郡公尚主 西河王元太興太和二十年由前京兆王改封子昂孫棕襲 上黨王元天穆建義元年封子儼襲 西河公元石都天安元年封 平陽郡公元丕高祖時由東陽王

例降封後以平陽畿甸改封新興公 上黨王長孫道生儉子太延元年由汝陰王晉封孫觀襲觀子稚降公後復封王改馮翊世系表道生太尉上黨靖王子旃司空上黨康王旃子觀司徒上黨定王觀子稚西魏尚書令上黨文宣王 上黨公長孫紹遠孝閔元年封 上黨公王謀太原王叡弟例降侯子翔孫超曾孫景覽襲 上黨郡開國公王仲興世宗時以自理馬圈侍疾及安慰金墉城封食邑二千戶後奪高平男李虔姑臧侯承子延昌初冀州大乘賊起虔與討平之賜爵高平男 高都子秦松太和末爲長秋卿賜爵有罪免世宗復其爵起爲光祿大夫領中常侍 西河長公主文成帝女河東公薛拔尚主一名初古拔一名車轂拔本名洪祚長子孕嗣 濩澤公主閭大肥尚主大肥蠕蠕人道武時

澤州府志

卷之二十六

封爵

五

與弟大渥率宗族歸國初尚華陰公主以功封滎陽公公主薨復尚濩澤公主 安平男斛律金高祖時爲汾州大都督後以功封 安平公崔說西魏時以戰功封子弘度嗣 西河郡公李賢恭帝元年由上邽縣公晉封後除周保定二年復爵子端襲 西河縣公任祥莊帝時封 西河縣公任延敬莊帝時隨葛榮先降封子胃嗣武定三年通西魏誅 高平公李順始光初從征封平棘子後開府長安進爵高平公子敷襲爵

南齊高平郡公蕭贊寶卷子梁武帝時封豫章王奔魏封高平郡公 河東王蕭鉉高帝子

梁河東王蕭譽昭明太子中子武帝大通三年封 河東王裴之橫簡文時爲平北將軍封

陳河東王陳叔獻宣帝第九子大建五年封諡康簡子孝寬嗣 安平郡公侯莫陳順崇兄大統五年封

北齊上黨剛肅王高渙高祖第七子天保元年由平原郡公晉封子寶巖嗣 上黨王高紹信天保十年改封漁陽王通考云文襄第六子 西河王高紹仁文宣第四子天保初封

西河王高仁幾武成帝第八子天統三年封 高平王高仁英武成帝第六子以定州刺史封 永安王高浚高祖第三子東魏元象中封郡公保定初進爵爲王 廣寧王高孝珩襄王子 河東郡王潘樂保定元年以功臣由金門郡公晉封 西河郡公乞伏令和

北周安平郡公宇文愷貴子祖莫豆千增安平郡公愷襲河東郡公李椿櫛嗣子元象末由魏平縣子晉封 西河縣

澤州府志

卷之二十六

封爵

六

公獨孤景雲楷子以父功封 濩澤郡公寇顥雋子 河東郡公賀蘭讓祥子 西河公紇豆陵 永寧公楊文思仕周爲車騎大將軍以勲封

隋高都郡公李雄開皇初以軍功晉封子公挺襲 河東郡公楊瓚官輔國大將軍封 西河郡公竇洪景官驃騎大將軍封子儼孫明哲嗣 高都縣公楊尚希開皇初繇高都縣侯晉封子旻襲後改丹水縣公 濩澤縣公劉弘開皇中以平陳功封子長信襲 端氏縣伯源崇開皇初以父功封

唐永安王孝基高祖從弟隋末封蜀郡公武德元年改封武德二年姪道嗣封高平王九年降縣公 韓王元嘉高祖第十一子始封宋改封徐爲澤州刺史貞觀初更封韓武后時與子譔匡復不克神龍初追封爵土其子譔訓誼諶皆有爵

以訥嗣 澤王元曉高祖二十一子貞觀中爲澤州刺史初封密實封千戶徙澤諡貞子穎嗣爲南安王 澤王上金高宗第三子文明元年繇杞王改封載初元年被害神龍初復爵封庶子義珣爲嗣或誣義詢非上金子流嶺外更立許王素節子璆開元十二年以玉真公主表廢璆召義珣襲爵薨子諱嗣 安平王則天之子任太子通事舍人封 建寧王 俊肅宗子有材畧善騎射祿山亂中興有功張良娣譖殺之代宗諡爲承天皇帝 長平王叔良高祖從父弟郇王偉子以擊突厥中流矢道薨諡曰肅子孝協嗣初王范陽後降爲郇國公坐賊死弟孝斌爲原州都督府長史生思訓中宗封隴西郡公歷益州都督府長史善畫世稱李將軍山水弟思誨楊州參軍子林甫 長平王贄雍王繪長子 長平王李

澤州府志

卷之二十六

封爵

七

義瑜澤王上金子 高平郡王淑順宗第八子貞元二十一年晉封邵王 高平郡王滂絳王悟子太和八年封 高平郡王武重規天后時封中宗初降澮國公 高平郡王武崇訓天后封中宗初降鄴國公 上黨郡公諶韓王元嘉第四子 上黨公李矩長樂郡王幼良子 西河郡公溫彥博武德初以勸幽州總管羅藝歸國封貞觀四年晉虞國公 長平郡公張亮以秦府舊功封貞觀五年晉鄴國公 河東郡公衛伯玉上元二年以破史朝義功封廣德元年晉城陽郡王 高平郡公郗士羨貞元中以平溪州賊功封 河東郡公薛苹元和中封 河東郡公柳公權會昌初封 上黨縣公長孫無忌武德中封貞觀元年晉齊國公 西河公竇敬遠孫善衡曾孫懷亶元孫印襲 西河公張綸 高平公薛

綱 陽城縣侯劉道祥林甫子貞觀二年襲父爵爲樂平男
顯慶二年晉封麟德二年以封泰山終獻功晉廣平郡公
高平縣侯張弘靖元和中封 高平縣子徐彥伯神龍初以
預脩天后實錄封 晉城縣子裴思義 陽城縣男劉尹之
永徽初以與撰國史暨實錄封 西河公主順宗第四女沈
翬尚主

宋平陽郡王允升漢王元佐長子景祐二年追封 河東郡
王承衍魏王廷美孫 平陽郡王宗彥漢王元佐孫 平陽
郡王宗翰商王元份孫 河東郡王仲霜商王元份曾孫
平陽郡王仲賜商王元份曾孫 高平郡王棣徽宗子宣和
五年繇徐國公晉封 平陽郡王榛徽宗子宣和七年繇福
國公晉封靖康初晉信王 高平郡王不濤濮安懿王允讓

澤州府志

卷之二十六

封爵

八

元孫嘉定十年追封 平陽郡王擴卽寧宗淳熙十二年封
平陽郡侯惟吉燕王德昭第二子太平興國八年封晉安
定公 上黨郡太夫人馮氏陳堯佐母眞宗封 高平郡夫
人傅氏景獻太子妃嘉定十五年晉封信國夫人令主景獻
太子祀

金澤王紇石烈胡沙虎至寧元年封 上黨公完顏開興定
四年封 澤國公主世宗女蒲刺覲尚主 澤國公主明昌
四年封

元河東郡公陳元凱浙東海右道肅政廉訪司 河東郡公
段得禮部侍郎 西河郡侯靳德淵 高平郡公鄭甫潞國
公鼎之弟 澤國公鄭制宜鼎之子 陵川男李順以晉寧
路同知知河中府事飛騎尉封 元初平陽一道隸拔都大

王私食其地詳見郝經罪言疏

明高平王濟奕晉恭王第二子封國平陽諡懷簡無嗣 西
河王美淳晉定王第四子封國平陽諡靖憲子順簡王鍾鏐
襲薨子恭定王奇溯嗣以純孝聞世宗下所司勘實勅命獎
諭子表相嗣王亦極仁孝與寧河王表楠河東王奇淮並爲
人所稱 河東王鍾鏐晉憲王第三子諡昭靖子榮安王奇
淮襲子鎮國將軍表枋先卒子榮懿王知炯襲追封父爲恭
憲王榮懿薨子端穆王新墳襲薨子慎鍵襲 宣寧王遜料
代簡王第七子諡靖莊天順五年徙王澤州子和僖王仕羸
襲薨子恭安王成鈞襲薨子康靖王聰灝襲薨子昭榮王俊
相襲薨子充燦襲 隰川王遜燦代簡王第十子諡懿安天
順五年徙王澤州子恭僖王仕燧襲薨子莊隱王成鈞襲薨

澤州府志

卷之二十六

封爵

九

子康肅王聰漾襲薨子莊惠王俊栢襲無子從弟輔國將軍
俊槩理府事 沁水王佶焜潘 王第六子諡悼懷子安惠
王幼墀襲薨子端懿王銓鐠襲薨子榮穆王勛瀨襲薨子莊
和王尹穰襲薨子昭定王恬炘襲薨子瑄堦襲隆慶元年嗣
爵工詩多布衣交著衡漳藁滄海披沙集前此有德平王印
挺負雋才與宗人衡府新樂王載璽周府中尉睦縈襄垣府
俊噤晉府康衢秦府玉華齊名俊噤著五懷詩述其事復有
鎮國將軍恬焜子輔國將軍埤圻與埤垸埤堦埤堦結詞社
時稱藩國多才焉 宣寧侯曹良臣洪武三年封祿九百石
予世券子恭襲坐藍玉黨爵除 高平伯谷大寬太監大用
弟正德七年以平賁鐔封祿千石弇山堂集云正德五年弟
大用冒誅劉瑾功封十六年革 長平公主莊

烈帝女周顯尚主終

